

CONVOCATORIA DE MATRÍCULA DA PROBA DE ACCESO Á UNIVERSIDADE PARA OS MAIORES DE 25 ANOS

A Lei Orgánica 2/2006, do 2 de maio, de Educación (BOE do 4 de maio), no Título I, Capítulo IX, adicado á educación das persoas adultas, establece que: “Os maiores de 25 anos de idade poderán acceder directamente á universidade, sen necesidade de titulación algunha, mediante a superación dunha proba específica” (artigo 69.6).

A proba de acceso á universidade para os maiores de 25 anos regúlase polo disposto no Real Decreto 1892/2008, do 14 de novembro (BOE do 24 de novembro).

Por todo o exposto, e ao abeiro das competencias recoñecidas ás universidades nas disposicións citadas e conforme o expresado na cláusula segunda do convenio entre as Universidades de Santiago de Compostela, A Coruña e Vigo.

A Comisión Interuniversitaria de Galicia (CiUG) resolve **convocar a Proba de Acceso á Universidade para os Maiores de 25 anos, correspondentes ao curso académico 2009-2010**, no ámbito das tres Universidades de Galicia e que se rexerán conforme as seguintes:

BASES

1ª).- QUEN SE PODE MATRICULAR:

As persoas que naceran antes do 1 de outubro de 1985, acreditado mediante fotocopia do DNI ou Pasaporte, e que reúnan os requisitos establecidos polo Real Decreto 1892/2008, do 14 de novembro.

A ausencia desta acreditación, a falta de veracidade ou a manipulación de datos, suporá a perda automática dos dereitos derivados da matrícula nas devanditas probas.

2ª).- PRAZO, HORARIO E LUGARES DE MATRÍCULA:

Prazo: do 18 de xaneiro ao 19 de febreiro, ámbolos dous inclusive.

Horario: das 9,00 ás 14,00 horas os días hábiles de luns a venres.

Lugares de matrícula: os LERD que figuran no **ANEXO I**.

Tamén poderán efectuar a matrícula mediante calquera dos procedementos especificados na Lei 30/1992, do 26 de novembro, do Réxime Xurídico das Administracións Públicas e do Procedemento Administrativo Común, (BOE do 27 de novembro de 1992), coa obriga de incluír fotocopia do resguardo do pagamento dos prezos públicos mediante xiro postal dirixido aos lugares de matrícula que figuran no Anexo I.

Se o solicitante está en posesión de disfrute de redución ou exención do pagamento de ditos prezos, remitirá fotocopia do documento que o acredite.

3ª).- DOCUMENTOS:

Documentación que se deberá aportar no momento da matrícula:

- a) Fotocopia do DNI ou Pasaporte (estranxeiros) por ambas caras.
- b) Resgardo acreditativo de ter aboadas as taxas. O ingreso das taxas de matrícula farase nunha entidade bancaria, mediante o impreso que se facilitará ao efecto nos lugares de matrícula.
- c) Solicitud de matrícula na que se fagan constar os datos do/a interesado/a, a opción, materia optativa elixida para completar o exercicio da Fase Específica, así como o idioma estranxeiro elixido para a realización da Fase Xeral. O impreso de solicitud poderá recollerse nos lugares de matrícula.
- d) Currículum Vitae profesional.

Ao facer a matrícula, o alumnado recibirá un “**Resgardo de matrícula**” que deberase conservar polo alumnado, xa que neste se indicará un **código de acceso** para poder facer posteriormente na Internet a solicitud de reclamación ás cualificacións das probas e a solicitud de admisión (preinscrición) para cursar titulacións universitarias do SUG con límite de prazas.

4ª) PREZOS PÚBLICOS:

Fixados polo Decreto 358/2009, do 9 de xullo, da Consellería de Educación e Ordenación Universitaria (DOG nº 142 do mércores, día 22 de xullo de 2009) en **63,67 euros**.

Os membros de **familia numerosa de 1ª e 2ª Categoría Xeral**, así como os de **Familia Numerosa de Honra Categoría Especial**, beneficiaranse da redución ou exención correspondente, de acordo coa normativa específica.

Tamén serán beneficiarios de matrícula gratuíta o persoal docente e de Administración e Servizos, así como o seu cónxuxe e fillos, da Consellería de Educación e Ordenación Universitaria da Xunta de Galicia e o das tres Universidades do Sistema Universitario de Galicia.

A gratuidade deberase acreditar mediante certificación dos respectivos Servizos de Persoal e, no caso de cónxuxe e fillos, deberán presentar, ademais, fotocopia do Libro de Familia.

5ª) REALIZACIÓN DOS EXAMES:

Os exercicios a realizar son os que se indican no Real Decreto 1892/2008, do 14 de novembro de 2008 (BOE do 24 de novembro), que se especifican no folleto informativo editado pola CiUG.

Os alumnos matriculados ao abeiro da presente convocatoria efectuarán os exames da *Fase Xeral*, en chamamento único, o **sábado día 6 de marzo** a partir das 8,30 horas, na Facultade de Dereito da Universidade de Santiago de Compostela. Os exames da *Fase Específica* realizaranse, en chamamento único, o **sábado día 13 de marzo** a partir das 8,30 horas, na mesma facultade.

O sistema universitario de Galicia realizará anualmente unha convocatoria da proba de acceso, para cada unha das ramas nas que oferten ensinanzas.

Aos candidatos e candidatas que realicen esta proba no Sistema Universitario de Galicia, correspóndelles preferentemente, a efectos de ingreso, aquelas ensinanzas universitarias ofertadas polas súas universidades.

O alumnado deberá realizar a fase específica na opción da súa elección, correspondéndolles preferentemente, a efectos de ingreso, aquelas ensinanzas universitarias ofertadas polas universidades que estean vinculadas a cada unha das opcións, de acordo co establecido no anexo II desta convocatoria.

6ª) ESTRUCTURA DA PROBA:

A proba de acceso estruturase en dúas partes: Fase Xeral e Fase Específica.

A Fase Xeral ten como obxectivo apreciar a madurez e idoneidade dos candidatos para seguiren con éxito estudos universitarios, así como a súa capacidade de razoamento e de expresión escrita.

A Fase Xeral comprenderá os catro exercicios seguintes:

- a) Comentario dun texto ou desenvolvemento dun tema xeral de actualidade.
- b) Lingua castelá.
- c) Lingua galega.
- d) Lingua estranxeira, a elixir entre alemán, francés, inglés, italiano ou portugués.

O alumnado poderá solicitar a exención na proba de acceso á universidade do exercicio de lingua galega na súa solicitude de matrícula. A CiUG comunicará aos candidatos ou candidatas, por correo ordinario con aviso de recibo, a concesión ou non da exención do exercicio de lingua galega

A Fase Específica terá por finalidade valorar as habilidades, capacidades e aptitudes dos candidatos/as para cursaren con éxito as diferentes ensinanzas universitarias vinculadas a cada unha das ramas do coñecemento en torno ás que se organizan os estudos universitarios oficiais de Grao.

A Fase Específica estruturase nas cinco opcións seguintes vinculadas coas cinco ramas do coñecemento:

- Opción A Artes e humanidades.
- Opción B Ciencias.
- Opción C Ciencias da saúde.
- Opción D Ciencias xurídicas e sociais.
- Opción E Enxeñaría e arquitectura.

O alumnado deberá escoller no momento de matricularse a opción da que se examinará na fase específica

A Fase Específica constará de dúas materias obrigatorias para cada opción que serán as que se sinalan a continuación:

- Opción A Artes e humanidades: historia da arte e xeografía.
- Opción B Ciencias: matemáticas e química.
- Opción C Ciencias da saúde: bioloxía e química.

- Opción D Ciencias xurídicas e sociais: historia do mundo contemporáneo e matemáticas aplicadas ás ciencias sociais.
- Opción E Enxeñaría e arquitectura: física e matemáticas.

Ademais, a Fase Específica constará dunha materia optativa que deberá escoller o alumnado no momento de matricularse entre as seguintes materias que se ofertan para cada opción:

- Opción A Debuxo artístico, latín, literatura universal e volume.
- Opción B Bioloxía, ciencias da terra e ambientais e física.
- Opción C Ciencias da terra e ambientais, física e matemáticas.
- Opción D Economía da empresa, literatura universal e xeografía.
- Opción E Ciencias da terra e ambientais, debuxo técnico e química.

Cada un dos exercicios da fase xeral e da fase específica terá unha duración máxima dunha hora e media. Establecerase un intervalo mínimo de 30 minutos entre o final dun exercicio e o comezo do seguinte.

Para a realización dos exercicios, os candidatos poderán empregar, á súa elección, calquera das linguas oficiais da comunidade autónoma de Galicia. Non obstante, os exercicios correspondentes a lingua castelá, lingua galega e lingua estranxeira deberán realizarse nos seus respectivos idiomas.

7ª) SISTEMA DE CUALIFICACIÓN:

A cualificación de cada un dos exercicios da fase xeral e da fase específica expresarase de 0 a 10 puntos, con dúas cifras decimais e con intervalos de 0,25 puntos.

A cualificación da fase xeral será a media aritmética das cualificacións dos catro exercicios, expresada en forma numérica de 0 a 10 puntos, con tres cifras decimais, arredondada á milésima máis próxima e en caso de equidistancia á superior.

A cualificación da fase específica será a media aritmética das cualificacións dos tres exercicios, expresada en forma numérica de 0 a 10 puntos, con tres cifras decimais, arredondada á milésima máis próxima e en caso de equidistancia á superior.

A cualificación final da proba será a media aritmética das cualificacións obtidas na fase xeral e na fase específica, expresada en forma numérica de 0 a 10 puntos, con tres cifras decimais, arredondada á milésima máis próxima e en caso de equidistancia á superior.

Entenderase que o candidato ou candidata superará a proba cando obteña un mínimo de cinco puntos na cualificación final, non podendo, en ningún caso, promediar cando non se obteña unha puntuación mínima de catro puntos tanto na fase xeral como na fase específica.

A nota de admisión para cursar ensinanzas universitarias oficiais de Grao será a cualificación final obtida na proba.

Unha vez superada a proba de acceso, os candidatos poderán presentarse de novo en sucesivas convocatorias, coa finalidade de mellorar a súa cualificación. Terase en conta a cualificación obtida na nova convocatoria sempre que esta sexa superior á anterior.

8ª) PUBLICACIÓN DAS CUALIFICACIÓN PROVISIONAIS:

As *cualificacións provisionais da Fase Xeral* publicaranse na sede da CiUG, nos LERD e nos tres Reitorados de Galicia o *mércores, día 10 de marzo* (a partir das 15,00 horas).

As *cualificacións finais provisionais* (Fase Xeral e Fase Específica) publicaranse na sede da CiUG, nos LERD e nas sedes dos tres Reitorados de Galicia o *xoves, día 18 de marzo* (a partir das 15,00 horas). A resolución pola que se fagan públicas estas cualificacións terá efectos de notificación oficial aos interesados/as.

9ª) RECLAMACIÓNS ÁS CUALIFICACIÓNS:

Os candidatos e candidatas poderán presentar reclamación ás cualificacións provisionais despois da súa publicación, dentro do prazo establecido pola comisión organizadora e mediante escrito razoado dirixido á presidencia do tribunal.

O *prazo de presentación de reclamacións ás cualificacións* será de tres días hábiles, contados a partir da data de publicación das cualificacións da fase xeral e da fase específica (*do luns 22 ata as 13,00 horas do mércores 24 de marzo*).

As solicitudes de reclamación poderán presentarse no LERD no que se entregase a solicitude de matrícula para a proba, empregando os impresos específicos facilitados ao efecto, ou mediante o procedemento telemático establecido, empregando o número de acceso á aplicación informática Nerta facilitado ao alumnado no seu resguardo de matrícula.

10ª) PUBLICACIÓN DAS CUALIFICACIÓN DEFINITIVAS:

As *cualificacións definitivas* (despois da resolución das reclamacións) publicaranse o *xoves día 25 de marzo* (a partir das 15,00 horas).

A resolución, que xunto coas actas de cualificacións farase pública na sede da CiUG, nos LERD e nas sedes dos tres reitorados de Galicia, e que terá efectos de notificación oficial aos interesados, porá fin á vía administrativa.

En todo caso, contra a resolución que porá fin á vía administrativa, poderá interpoñerse recurso potestativo de reposición no prazo dun mes perante a propia Comisión. Neste caso non se poderá interpoñer o recurso contencioso-administrativo en tanto non recaia resolución expresa ou presunta do recurso administrativo de reposición.

11ª) EFECTOS:

Aos candidatos e candidatas que realicen esta proba no Sistema Universitario de Galicia, correspóndelles preferentemente, a efectos de ingreso, aquelas ensinanzas universitarias ofertadas polas súas universidades.

O alumnado deberá realizar a fase específica na opción da súa elección, correspondéndolles preferentemente, a efectos de ingreso, aquelas ensinanzas universitarias ofertadas polas universidades que estean vinculadas a cada unha das opcións, de acordo co establecido no anexo II desta convocatoria.

Para acceder a **titulacións universitarias do SUG con límite de prazas**, os alumnos e as alumnas que superen a proba deberán presentar a súa **solicitud de admisión**, no **prazo do 7 de xuño ao 2 de xullo**, en calquera dos LERD existentes. Para iso é necesario estar en posesión do certificado de ter superada a proba, que se expedirá pola CiUG e remitirase por correo con aviso de recibo ao domicilio dos interesados/as.

Para os/as estudantes maiores de 25 anos que superen a proba de acceso, en virtude do disposto no Real Decreto 1892/2008, do 14 de novembro (BOE do 24), reservárase unha porcentaxe do 2 por 100 das prazas totais de cada titulación.

Para o acceso a **titulacións universitarias do SUG sen límite de prazas**, os alumnos e as alumnas poderán matricularse no prazo establecido a tal efecto polas universidades.

A superación da proba de acceso á universidade para os Maiores de 25 anos supón a **exención de realización da proba de acceso a ciclos formativos de grao medio e a ciclos formativos de grao superior**.

No **Anexo II** recóllese a **adscrición preferente das opcións da proba de acceso á universidade dos maiores de 25 anos regulada polo Real Decreto 1892/2008**, do 14 de novembro, ás ramas de coñecemento das ensinanzas universitarias oficiais de Grao do Sistema Universitario de Galicia para o acceso ao curso 2010-2011.

A adscrición preferente das opcións da proba de acceso á universidade dos maiores de 25 anos ás ensinanzas universitarias oficiais de Grao do Sistema Universitario de Galicia que se implanten por primeira vez para o curso 2010-2011, se fará pública pola Comisión Interuniversitaria de Galicia unha vez aprobados os Graos pola Consellería de Educación e Ordenación Universitaria, previa autorización pola ANECA.

No **Anexo III** recóllese a **adscrición preferente das opcións da proba de acceso á universidade dos maiores de 25 anos reguladas por normativas anteriores**, ás ramas de coñecemento das ensinanzas universitarias oficiais de Grao do Sistema Universitario de Galicia para o acceso ao curso 2010-2011.

A adscrición preferente das opcións da proba de acceso á universidade dos maiores de 25 anos reguladas por normativas anteriores ás ensinanzas universitarias oficiais de Grao do Sistema Universitario de Galicia que se implanten por primeira vez para o curso 2010-2011, se fará pública pola Comisión Interuniversitaria de Galicia unha vez aprobados os Graos pola Consellería de Educación e Ordenación Universitaria, previa autorización pola ANECA.

No **Anexo IV** recóllese o horario de realización das probas común e específica.

Santiago de Compostela, 18 de decembro de 2009

Asdo.: Manuel R. Bermejo Patiño
Presidente da **CiUG**

EXCMO. SR. CONSELLEIRO DE EDUCACIÓN E ORDENACIÓN UNIVERSITARIA.
EXCMO. SR. REITOR. MAGFCO. DA UNIVERSIDADE DA CORUÑA.
EXCMO. SR. REITOR. MAGFCO. DA UNIVERSIDADE DE VIGO.
EXCMO. SR. REITOR. MAGFCO. DA UNIVERSIDADE DE SANTIAGO.
SRES. XEFES DOS SERVIZOS DE ALUMNADO DAS TRES UNIVERSIDADES.
SRES/AS. ENCARGADOS/AS DOS LERD.

ANEXO I

LERD

LUGARES DE ENVÍO E RECOLLIDA DE DOCUMENTACIÓN

LERD Nº 1- CAMPUS DE SANTIAGO

Servizo de Xestión Académica

Pavillón Estudiantil, 2º piso- Campus Sur
15782 - SANTIAGO DE COMPOSTELA

Teléf: 981.54.71.11

Fax: 981.59.51.17

LERD Nº 2- CAMPUS DE LUGO

Edificio Biblioteca-Intercentros, planta baixa

Campus Universitario
27002 - LUGO

Teléf: 982.28.59.00

Fax: 982.28.59.07

LERD Nº 3- CAMPUS DA CORUÑA

Pavillón de Estudantes

Campus de Elviña
15192 - A CORUÑA

Teléf: 981.16.71.96

Fax: 981.16.71.98

LERD Nº 4- CAMPUS DE FERROL

Campus de Esteiro

Edificio de Usos Administrativos, planta baixa
15403 - FERROL

Teléf: 981.33.74.51

Fax: 981.33.74.56

LERD Nº 5- CAMPUS DE VIGO

Servizo de Alumnado

Edificio de Xerencia e Servizos Centrais
36310 - VIGO

Teléf: 986.81.37.71/72

Fax: 986.81.36.33

LERD Nº 6- CAMPUS DE OURENSE

Unidade Administrativa (Área de Servizos á Comunidade)

Campus " As Lagoas".
32004 - OURENSE

Teléf: 988.38.71.02

Fax: 988.38.71.65

LERD Nº 7- CAMPUS DE PONTEVEDRA

Escola Universitaria de Enxeñaría Técnica Forestal (Área de Servizos á Comunidade)

Campus A Xunqueira, s/n.
36005 - Pontevedra

Teléf: 986.80.19.49

Fax: 986.80.20.60

ANEXO II

Adscrición preferente das opcións da proba de acceso á universidade de maiores de 25 anos regulada polo Real Decreto 1892/2008, do 14 de novembro, ás ramas de coñecemento das ensinanzas universitarias oficiais de Grao do Sistema Universitario de Galicia para o acceso ao curso 2010-2011.

Opcións Proba Maiores de 25 anos	Estudos de Grao do SUG
Opción A Artes e Humanidades	Belas artes Filosofía Humanidades Información e documentación Tradución e interpretación Historia Historia da arte Xeografía e historia Estudos de galego e español Español: estudos lingüísticos e literarios Filoloxía clásica Galego-Portugués: estudos lingüísticos e literarios Inglés: estudos lingüísticos e literarios Lingua e literaturas españolas Lingua e literaturas galegas Linguas estranxeiras Linguas modernas e as súas literaturas
Opción B Ciencias	Bioloxía Ciencia e tecnoloxía dos alimentos Ciencias do mar Física Matemáticas Química
Opción C Ciencias da Saúde	Enfermaría Fisioterapia Logopedia Podoloxía Psicoloxía Terapia Ocupacional

<p>Opción D Ciencias Sociais e Xurídicas</p>	<p>Administración e dirección de empresas Ciencia política e da administración Ciencias da actividade física e do deporte Ciencias empresariais Comunicación audiovisual Dereito Dirección e xestión pública Economía Educación infantil Educación primaria Pedagogía Periodismo Publicidade e relacións públicas Relacións laborais e recursos humanos Socioloxía Traballo social Turismo Xeografía e historia</p>
<p>Opción E Enxeñaría e Arquitectura</p>	<p>Enxeñaría informática Enxeñaría da edificación Enxeñaría en deseño industrial e desenvolvemento do produto</p>

NOTA: a adscrición preferente das opcións da proba de acceso á universidade de maiores de 25 anos regulada polo Real Decreto 1892/2008, do 14 de novembro, ás ramas de coñecemento das ensinanzas universitarias oficiais de Grao do Sistema Universitario de Galicia que se aproben pola ANECA para o curso 2010-2011 faranse públicas pola comisión organizadora unha vez sexan aprobadas estas ensinanzas pola Consellería de Educación e Ordenación Universitaria.

ANEXO III

Adscrición preferente das opcións da proba de acceso á universidade de maiores de 25 anos regulada por normativas anteriores, ás ramas de coñecemento das ensinanzas universitarias oficiais de Grao do Sistema Universitario de Galicia para o acceso ao curso 2010-2011.

Opcións Proba Maiores de 25 anos	Estudos de Grao do SUG
Opción A Científico-Tecnolóxica	Bioloxía Ciencia e tecnoloxía dos alimentos Ciencias do mar Enxeñaría informática Enxeñaría da edificación Enxeñaría en deseño industrial e desenvolvemento do produto Física Matemáticas Química
Opción B Ciencias da Saúde	Bioloxía Ciencia e tecnoloxía dos alimentos Ciencias do mar Física Matemáticas Química Enfermaría Fisioterapia Logopedia Podoloxía Psicoloxía Terapia Ocupacional
Opción C Humanidades	Belas artes Filosofía Humanidades Información e documentación Tradución e interpretación Historia Historia da arte Xeografía e historia Estudos de galego e español Español: estudos lingüísticos e literarios Filoloxía clásica Galego-Portugués: estudos lingüísticos e literarios Inglés: estudos lingüísticos e literarios Lingua e literaturas españolas Lingua e literaturas galegas Linguas estranxeiras Linguas modernas e as súas literaturas

<p>Opción D Ciencias Sociais</p>	<p>Administración e dirección de empresas Ciencia política e da administración Ciencias da actividade física e do deporte Ciencias empresariais Comunicación audiovisual Dereito Dirección e xestión pública Economía Educación infantil Educación primariaPedagogía Periodismo Publicidade e relacións públicas Relacións laborais e recursos humanos Socioloxía Traballo social Turismo Xeografía e historia</p>
<p>Opción E Artes</p>	<p>Belas artes Filosofía Humanidades Información e documentación Tradución e interpretación Historia Historia da arte Xeografía e historia Estudos de galego e español Español: estudos lingüísticos e literarios Filoloxía clásica Galego-Portugués: estudos lingüísticos e literarios Inglés: estudos lingüísticos e literarios Lingua e literaturas españolas Lingua e literaturas galegas Linguas estranxeiras Linguas modernas e as súas literaturas</p>

NOTA: a adscrición preferente das opcións da proba de acceso á universidade de maiores de 25 anos regulada por normativas anteriores, ás ramas de coñecemento das ensinanzas universitarias oficiais de Grao do Sistema Universitario de Galicia que se aproben pola ANECA para o curso 2010-2011 faranse públicas pola comisión organizadora unha vez sexan aprobadas estas ensinanzas pola Consellería de Educación e Ordenación Universitaria.

**ANEXO IV
HORARIO DE REALIZACIÓN DOS EXERCICIOS**

**FASE XERAL
Sábado 6 de marzo de 2010**

MAÑÁ

08,30 h	Presentación do alumnado
09,00 – 10,30 h.	Comentario de Texto dun tema xeral de actualidade
10,30 – 11,00 h	Descanso
11,00 – 12,30 h	Lingua Castelá
12,30 – 13,00 h	Descanso
13,00 – 14,30 h	Lingua Galega
14,30 h	Fin sesión mañá

TARDE

17,00 – 18,30 h	Lingua Estranxeira
18,30 h	Fin sesión tarde

FASE ESPECÍFICA
Sábado, 13 de marzo de 2010

MAÑÁ

08,30 h	Presentación do alumnado
09,00 – 10,30 h.	Debuxo Técnico Economía da Empresa Química Xeografía
10,30 – 11,00 h	Descanso
11,00 – 12,30 h	Historia da Arte Matemáticas Matemáticas Aplicadas ás Ciencias Sociais
12,30 – 13,00 h	Descanso
13,00 – 14,30 h	Bioloxía Debuxo Artístico Latín Volume
14,30 h	Fin sesión mañá

TARDE

16,30 – 18,00 h	Ciencias da Terra e Ambientais Literatura Universal
18,00 – 18,30 h	Descanso
18,30 – 20,00 h	Física Historia do Mundo Contemporáneo
20,00 h	Fin sesión tarde